

Alkitab Buat Bocah Nampilin



Perempuan
di Sumur



Nyeng nulis: Edward Hughes

Nyeng bikin gambar: Lazarus
Alastair Paterson

Nyeng nyocokin: Ruth Klassen

Nyeng terjemahin: Matheus Nalih Ungin


Dibikin buat: Bible for Children
www.M1914.org

©2023 Bible for Children, Inc.


Perijinan: Enté boleh ngegandain atau nyetak ini cerita,
selama enté kagak ngejualnya.




Yesus ama murid-muridNya ngadain perjalanan ngelewatin tanah Samaria. Mereka nyampe di satu kota nyeng namanya Sikhar.



Ada sumur di sono, tempat orang Sikhar nimba ngambil aer minum. Yakub, bapa orang Israel, ngegali sumur itu udah lama banget.



Pas tengari biasanya panas banget. Kecapean. Yesus duduk deket sumur, tapi murid-muridNya pegih ke Sikhar buat beli makanan.





Yesus dewekan,
tapi kaga lama-lama
bangat. Seorang
perempuan nyeng
tinggal di Sikhar
dateng buat nimba
aer.

"Bagi Aku minum,"
Yesus minta sama
perempuan itu.






Perempuan itu kaget. "Pegimana bisa, Engkau orang Yahudi, minta minum sama aku orang Samaria," tanya perempuan itu. Waktu itu orang Yahudi kaga akur sama orang Samaria.



Perempuan itu
mungkin kaget pas
Yesus bilang, "Kalo aja
kamu tau siapa Aku,
kamu bakalan minta
dari Aku aer idup."



Perempuan itu bilang
pada Yesus, "Tuan,
Engkau kaga punya
apa-apa buat nimba, dan
sumur ini dalem. Dimana
Engkau bakal dapet aer idup?
Apa iya Engkau lebih gede dari
bapa kami Yakub, nyeng ngasih
sumur ini buat kami...?"



"Siapa aja nyeng minum aer ini bakalan aus lagi,"
Yesus bilang sama perempuan itu. "Tapi siapa aja


nyeng minum aer nyeng bakal
Aku kasih buat dia, ia kaga
bakal aus lagi buat selama-
lamanya. Aer nyeng bakal
Aku kasih buat dia...bakal jadi
entuk di dalem dirinya nyeng
bakalan terus-terusan
ngocor sampe idup nyeng
kekal." "Tuhan kasih
aer itu sama aku..."
perempuan itu bilang.




Yesus minta perempuan itu pegih dan manggil lakinya.
"Aku kaga punya laki," perempuan itu ngejawab.
"Kamu udah punya lima laki," jawab Yesus. "Nyeng
sekarang itu bukan lakimu?"



Perempuan itu tau kalo Yesus itu nabi. Dia nyoba nanya supaya bisa debat soal dimana mereka kudunya nyembah Tuhan: Yerusalem apa gunung kudus Samaria. Tapi Yesus ngejawab kalo penyembah nyeng bener bakal nyembah Bapa dalem roh ama kebeneran.



"Aku tau kalo Mesias bakal dateng," perempuan itu bilang sama Yesus. "Pas Dia dateng, Dia bakalan ngasih tau apa aja sama kami." "Ini Aku nyeng lagi ngomong sama kamu," Yesus bilang sama perempuan itu. Pas waktu itu dateng murid-muridNya. Perempuan itu ninggalin tempayannya di situ lantas pegih ke kota.






"Ayo, liat! Di sono ada seorang nyeng bilang sama aku semua nyeng udah kukerjain," bilangnyaperempuan itu sama orang di Sikhar. "Apa bener Dia Kristus?" Orang-orang pada ninggalin kota dan pegih ngeliat Yesus.




Murid-murid Yesus ngajak Dia makan. Tapi Yesus bilang, "Makananku itu ngerjain kepengenan Dia nyeng ngirim Aku dan ngelarin pegaweanNya." PegaweanNya itu buat ngajak orang kepada Tuhan.



Banyak orang
Samaria
percaya sama
Dia sebab
omongan
perempuan itu.
Mereka minta
Yesus supaya
tinggal bareng
sama mereka,
dan Dia tinggal
sama mereka
dua ari.





Mungkin
banyak nyeng
percaya ama
omongan
Yesus.
Mereka bilang,
"...kami udah
ngedengerin
Dia dan kami
tau, kalo Dia
itu bener-
bener
Jeruslamet
dunia."



Perempuan di Sumur

Sebuah cerita dari perkataannya Tuhan, Alkitab

Ditemuin di

Yohanes 4

"Palang pintu Firman Engkau ngasih terang."

Mazmur 119:130



Tamat



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

